



ӕd'c'bdc ḫul'bdūcnal'pc C NΓdC  
Qulliq Energy Corporation  
Société d'énergie Qulliq  
Qulliq Alruyaqtutnik Ikumatjutiit

## Tuhaqtitayukhaq

### Tuhaqtitauhainnaqtukhaq

#### **Qulliq Alruyaqtutnik Ikumatjutiit inirhimaliqtut nutaamik Qikiqtarjuami pauwaliqivikmik**

**IQALUIT, Nunavut (Qiqaiyarvia 14, 2017)** – Qulliq Alruyaqtutnik Ikumatjutiit (QEC) inirhimaliqtta nappaqtirniq uukturniqlu uumanii nutaami Qikiqtarjuaq pauwaliqivikmi. Nutaaq pauwaliqivik tukliyuq angiyuq havaktauyukhani qangannaq iniqtauhimayut QEC-kunnin. November 2016-mi, QEC uqarhimavaktaa aullaqtirnia nutaami pauwaliqivikmi Taloyoami.

“Quviahukpiaqtunga uqarama nakuuyumik iniqtirniit tamarnik QEC-kunni akituyuni havaktauyukhani. Una aghuuqnaqtuq igluqpak auladjutaa aulahimaqtuq maniliugutighaq haffumunga Qikiqtarjuaqmum uvalu Nunavunmun,” uqaqtuq Minista Johnny Mike, Minista munaqhiyuq hapkuninga QEC-kunnik.

Hamna nutaaq pauwaqaqvik tamayalik hitamanik nutaanik ihuaqtunik ingniquutinik pihimayuq piyaaqnii aulapkaqlugu haffumunga 1.8 megawattsmik auladjutaa. Havakhimayuq tunihiluni atuguminaqtumik auladjutmik imaa 40nik ukiunik, nutaaq pauwaqaqvik pihimayuq aaniaqvikmik-auladjutaanik nipiukinia nipiaguqitaangani, uvalu pidjutiqaqhunilu atuqtaaqtumik auladjutaa auladjutini.

“Havaffaaqhugu uvagut pauwaqaqvikput igluqpak piyaangini Nunavunmiun piqaqlutik atuguminaqtumik auladjutmik alguyaqtutnik hivuliuyut uvagut piyaghavut hivulliulugu. Iniqtihugu Qikiqtarjuap pauwaqaqvia atauhiq tugaqhimavaktavut uvani ukiumi, uvalu quyagiyatka QEC-kut ilagit iniqhingmata aala kuapaliisit puiguqtaulimaituq,” uqaqtuq Bruno Pereira Angiyuqaq uvalu Atanguyaluaq Havakti hapkuninga QEC-kunnun.

QEC-kut piniarhimayut angmaqtirlugu nutaaq pauwaliqivik qivyamik kipliuluni nunallaamilu niripkailutik uvani Qikiqtarjuap katimayaqtuqviani.

###

#### **Tuhaumapkaitjutikanut Uqaqvikhaq:**

Sheila Papa

Atanguyaq, Maniliqinikkut Tuhaqtitiyi

Qulliq Alruyaqtutnik Ikumadjutiit

(867) 979-7534

[spapa@qec.nu.ca](mailto:spapa@qec.nu.ca)